

Broj: 01- 02/2-1188/24 SK
Sarajevo, 09.05.2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	10-05-2024	Priloga	Vrijednost
05/1-02-215/24			

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r gđin. Ivan Miličević, sekretar
n/r gđa. Alma Kratina, zastupnica

VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

PREDMET: Zastupničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-215/24 od 23.04.2024. godine i akt sekretara Vlade Federacije Bosne i Hercegovine, broj: 03-04-838-16/2024 od 26.04.2024. godine

Poštovani,

U vezi sa zastupničkim pitanjem, koje je postavila gđa. Alma Kratina, zastupnica u Predstavničkom domu Parlamenta Federacije Bosne i Hercegovine na nastavku 10. redovne sjednice Predstavničkog doma Parlamenta Federacije BiH, održane 22.04.2024. godine, koje glasi: „Zašto do danas nisu doneseni podzakonski akti Zakona o ustanovama socijalne zaštite Federacije BiH (”Službene novine Federacije BiH”, broj: 64/22) bez kojih nije moguć cjelovit inspekcijski nadzor nad federalnim ustanovama socijalne zaštite od strane Federalne uprave za inspekcijske poslove i u kojoj je fazi realizacija izmjena i dopuna Zakona o inspekcijama u Federaciji BiH, kroz koje je predviđeno da u sastav federalnog inspektorata uđe i inspekcija za socijalnu zaštitu i porodično pravnu zaštitu, odnosno kad pomenute izmjene i dopune Vlada Federacije BiH namjerava uputiti u Parlament Federacije BiH.“ U vezi sa navedenim dajemo sljedeći odgovor iz okvira nadležnosti Federalnog ministarstva rada i socijalne politike:

U skladu sa odredbom člana 89. stav (1) Zakona o ustanovama socijalne zaštite Federacije BiH (”Službene novine Federacije BiH”, broj: 64/22) kojom je utvrđeno da će federalni ministar rada i socijalne politike donijeti provedbeni akt kojim će utvrditi minimalne standarde, odnosno opće i posebne uslove koje moraju ispunjavati federalne ustanove socijalne zaštite u pogledu prostora, opreme i kadra za pružanje usluge socijalnog zbrinjavanja i socijalne podrške, Federalno ministarstvo rada i socijalne politike je sačinilo i donijelo Pravilnik o minimalnim standardima za pružanje

usluga socijalnog zbrinjavanja i socijalne podrške u ustanovama socijalne zaštite Federacije Bosne i Hercegovine koji je objavljen u "Službenim novinama Federacije BiH", broj: 96/23 od 13.12.2023. godine.

Imajući u vidu navedeno, smatramo da nisu istiniti navodi Federalne uprave za inspeksijske poslove prema kojima nedostaju podzakonski akti sa propisanim standardima i uslovima, a na osnovu kojih bi navedena institucija mogla provoditi nadzor i sačinjavati preporuke. Činjenica je da još uvijek ne postoje federalni inspektori za socijalnu i dječiju zaštitu.

Podsjećamo, da je Federalno ministarstvo rada i socijalne politike aktom broj: 05-31/3-2145/23 od 13.06.2023. godine uputilo Inicijativu prema Federalnom ministarstvu pravde za formiranje federalne inspekcije za oblast socijalne i dječije zaštite. Vlada Federacije Bosne i Hercegovine je usvojila predmetnu Inicijativu, te donijela Zaključak V broj: 1293/2023 od 21.09.2023. godine, po kome se Federalno ministarstvo pravde zadužuje da formira Interresornu radnu grupu radi pripreme izmjena i dopuna Zakona o inspekcijama Federacije Bosne i Hercegovine. Formirana Interresorna radna grupa je pripremila Nacrt izmjena i dopuna navedenog zakona, te isti dostavila Federalnom ministarstvu pravde na dalju proceduru.

S poštovanjem,



Dostavljeno:

- naslovu
- a/a